

# Xornal escolar

NÚM. 408

MIÉRCOLES, 10 DE ABRIL DE 2013

www.laregion.es

José Paz

## O IES Otero Pedrayo, un centro de ensino con moita historia

Trátase dun referente na formación de mozos e mozas en Ourense pola calidade e propostas educativas coas que conta

**T**rátase dun dos centros de ensino de referencia en Ourense e a súa historia está marcada tanto polos recoñecidos personaxes galegos que pasaron por estas instalacións como pola maxestuosidade de cada un dos espazos cos que contan e que están aberto a todos os ourensáns.

O ensino do IES Otero Pedrayo distribúese en dous edificios. O primeiro deles é o centro antigo, denominado comunmente como o "Instituto", "Instituto do Posío", ou "Feminino". Trátase dun edificio que xa se comezou a construír hai 150 anos. Unha das súas particularidade é que se trata do centro máis antigo de Galicia creado específicamente para o ensino. A antigüidade do edificio vese reforzada pola grandeza e maxestuosidade dos seus espazos, que nun tempo pasado percorreron precursores do galeguismo como é o caso de García Mosquera, Saco e Arce, os integrantes da Xeración Nós, ou as Xeracións dos anos sesenta.


Dispón tamén dun centro anexo que é o colexió de Primaria. Estas instalacións están totalmente renovadas e modernizadas.

Outro dos espazos do centro é a Biblioteca. Es-

*Precursors do galeguismo e promocións de recoñecidos alumnos formáronse académicamente neste centro de ensino da cidade de As Burgas*

te lugar cobra vital importancia pola súa beleza, grandiosidade, perso máis que nada polos fondos de gran importancia e pola curiosidade dos seus volumes, moitos deles datados no século XIX e mercados directamente en Francia e en Alemaña.

Por último, e non menos importante, destaca outro espazo, o Museo e arquivo que gardan a historia escolar e pedagógica dos séculos XIX e XX da provincia ourensá. O museo, ademais de recibir a visi-



Un grupo de alumnos, nun momento de recreo, se divierten nas magníficas instalacións coas que conta o centro.

ta dos alumnos do propio centro, está aberto a grupos de alumnos de outros centros, colectivos e de persoas alleas, concertando antes hora de visita.

A actividade docente, dado o gran número de alumnos da zona, desenvólvese principalmente no edificio que naceu para Centro Provincial de Instrucción de Ourense no último tercio do s. XIX. Na actualidade, como espazo

anexo utilízase un antigo colexió de Primaria, situado mesmo na outra beira da rúa Padre Feixoo.

Trátase dun dos edificios nobres destinados para ensino con máis tradición dentro de Galicia, ó cal o tempo, no canto de murchar a súa beleza, faina máis esplendorosa. Destaca, en demasia, a suntuosidade do seu paraninfo, orgullo de todos os exalumnos e admirado

ción de todos os visitantes que acoden a distintos actos culturais.

Nas súas aulas, corredores e claustros permanecen os recordos imprecedeiros de numerosas promocións de alumnos e mestres entre os que sobresaen nomes como Besteiro, Otero Pedrayo, Vicente Risco, Marcelo Macías, Xocas, José Angel Valente, Carlos Casares ou Elena Espinosa.

### CUMARIO

#### Página 2 y 3:

- Unha formación integral que combina horas teóricas e actividades complementarias.

#### Página 4:

- Orla dos alumnos que comenzaron este ano os seus estudos e dos que egresan este curso.



Un momento dunha das clases na aula de informática do centro, onde combinan momentos de teoría e prácticas nos ordenadores.

No IES Otero

## Atención ás diversidades e nece-

Cun total de 800 alumnos e 72 profesores especialistas nas distintas materias que se imparten no centro, o IES Otero Pedrayo é considerado como un dos centros educativos con máis prestixio da provincia.

Ademais das clases teóricas propias de cada curso e nivel educativo, contan

cun amplo abano de actividades, tanto extraescolares como complementarias. No primeiro dos casos procúrase que todo o alumnado poida en cada curso disfrutar e sacar o maior rendemento pedagógico posible de saídas e visitas culturais que realizan. Deste xeito destacan

viaxes con destinos como Roma, Francia, Cataluña, Cantabria, Portugal, etcétera. No caso das actividades complementarias, moidas delas lévanse a cabo no magnífico Paraninfo co que contan no centro ou nos claustros interiores. Para o desenrollo destas propostas contan coa co-

laboración de diversas institucións, fundacións, colexios profesionais, grupos culturais, etcétera. Deste xeito organízanse exposicións de pintura, escultura, historia, charlas, conferencias, concertos e un gran número de actividades relacionadas coa actualidade, temas de inte-

rés e de atractivo para os escolares.

### NECESIDADES ESPECÍFICAS

Como medida pedagóxica especial destaca a gran dedicación de medios para atender a alumnos con necesidades específicas de apoio educativo nos primeiros cursos da ESO.

Fanse a través de desdobres, agrupamentos específicos, reforzos, adaptacións e outras medidas na procura dunha atención o máis individualizada posible.

No tocante ás instalacións do centro, éstas ofrecen amplos espazos e con aulas específicas pa-



Un grupo de alumnos de ESO, nunha das aulas do centro de ensino ourensán.



Nun momento da clase de matemáticas onde os escolares prestan atención á



*A nosa satisfacción, os 3.000 nenos e nenas xogando con Abril*

**50 ANOS ELABORANDO O MELLOR ACEITE DE GALICIA**

ACEITES ABRIL S.L. Polígono Industrial San Cibrao das Viñas, Rúa 6, N° 18 - 32901 Ourense, España - Tel.: +34 988 383 747

**ABRIL**



ABRIL todo o ano



Pedrayo disponen dunha magnífica biblioteca perfectamente equipada.

## Sesidades específicas

ra as distintas actividades prácticas que se levan a cabo no centro. Deste xeito contan con aula de música, informática, laboratorios, biblioteca, etcétera.

Todas as aulas do centro disponen ademais con medios audiovisuais, wifi, pizarras dixitais e cos instrumentos necesarios

do mundo dixital para aprender a manexar perfectamente as tecnoloxías e todos os avances destas dende idades temprás.


### OFERTA EDUCATIVA

No tocante á oferta educativa do centro, impártense os estudos de ESO e Bacharelato no sistema Diurno

e Nocturno de Educación Secundaria para Adulto, ademais de Bacharelato con gran variedade de opcións na escolla de materias optativas e de modalidades.

Finalmente, os profesores do centro esmeránse diariamente en ofertarlle ó alumnado a mellor e máis

completa das formacións posibles e buscan presentarles e traballar en temas de actualidade e de cultura xeral para que os escolares deste centro sexan mozos e mozas perfectamente formados e preocupados pola actualidade e o acontecer diario en tódalas ramas posibles do saber.



xplicaciones do profesor.



O alumnado nunha das probas que están a realizar na aula de tecnoloxía do centro.



Constitúe este salón de actos a parte máis suntuosa do edificio, comparable cos mellors teatros do século XIX. Hoxe, aproveítase para impartir clases de Arte Dramática. Na súa parte superior unhas manparas pechan a visión desde o piso superior cegando as arcadas, e así nos laterais do piso superior instaláronse dúas aulas lonxitudinais para distintos servicios.

**ECHA**

**Centro:**  
IES Otero Pedrayo

**Nº de Alumnos:**  
800

**Nº de Profesores:**  
72


**Oferta educativa:**  
ESO e Bacharelato, diurno e nocturno e Educación para Adultos

## Escolares que comenzaron este ano os seus estudos



Os más cativos do centro, os alumnos da ESO, posan nas instalacións das que fan uso por primeira vez este curso.

## Grupo de alumnos que egresa este curso 2012/2013



Grupo de alumnos de segundo curso de Bacharelato que rematan este ano os seus estudos neste centro de ensino de Ourense.